

Khair cabar MB, exco dedah aset
Malaysiakini.com
Mar 27, 2008
Andrew Ong

Mantan menteri besar Selangor Datuk Seri Dr Mohd Khir Toyo mencabar penggantinya Tan Sri Abdul Khalid Ibrahim dan barisan exco negeri mengisytiharkan jumlah harta masing-masing.

Mohd Khir mengulas kenyataan Khalid semalam bahawa terdapat beberapa orang exco dalam kerajaan pakatan PKR-DAP-PAS yang tidak bersedia berbuat demikian.

"Sebelum pilihanraya umum, mereka berjanji untuk mengisytiharkan aset masing-masing. Saya mahu mereka berbuat demikian sekarang... Jika mereka enggan, memang malang rakyat Selangor," kata Mohd Khir melalui telefon.

Dalam wawancara dengan Malaysiakini, Khalid berkata beliau berkemungkinan besar menggesa anggota-anggota exco negeri mengumumkan pegangan harta.

Bagaimanapun, tambahnya, beberapa ahli exco enggan mendedahkan jumlah saham masing-masing atas "alasan keluarga".

Mohd Khir berkata, sehingga kini tiada satu kerajaan pimpinan pembangkang - Kedah, Pulau Pinang, Perak dan Selangor - mengumumkan jumlah harta mereka, bertentangan dengan janji-janji sebelum pilihanraya.

"Semua pemimpin pembangkang sepatutnya mengumumkan jumlah aset dan hutang mereka. Jika mereka telah membayar hutang mereka, jelaskan dari mana sumber wang itu," katanya.

Dua tokoh pembangkang yang dimaksudkan Mohd Khir: Khalid dan exco, yang juga wakil PAS, Dr Hassan Mohamed Ali.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news//80508>